

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0068695 26
Zenica, 19.08.2026. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačke i) u vezi sa članom 241. Zakona o krivičnom postupku F BiH, p o d i ž e m

O P T U Ž N I C U

Protiv:

S. A., ...,

Što je,

Dana 14.03.2026. godine oko 14,50 sati, u mjestu ..., općina Tešanj, u krugu poslovnog objekta ..., koji se nalazi u sklopu poslovnog kompleksa „...“ ..., u kojem su smještene firma ... i restoran ..., požarom izazvao opasnost za život ljudi i imovine većeg opsega, na način da je pušio i odbacio opušak cigarete prema metalnom boksu sa kartonskom ambalažom i drvenim paletama koji se nalazio uz poslovni objekat, iako je bio svjestan da može zapaliti kartonsku ambalažu i da se vatra može proširiti na objekat i da može doći do nastupanja zabranjene posljedice, ali je olako držao da neće doći do zapaljenja ili da će moći spriječiti požar, tako da je odbačeni opušak cigarete izazvao požar, koji se proširio na fasadne sendvič panele objekta firme ..., kao i na postavljeni spremnik plina restorana ..., a požar je prijetio da se proširi na kompletan poslovni objekat, što je spriječeno intervencijom uposlenika i pripadnika vatrogasne jedinice,

čime je počinio krivično djelo Izazivanje opće opasnosti iz člana 323. stav 4. u vezi sa stavom 1. KZ F BiH.